

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De pa[...]e eius Constantio, qui non vt Diocletianus, Maximinianus &
Maxentius, Christianos persequutus est. Cap. IX.

urn:nbn:de:hbz:466:1-29861

magnoperè ad bonorum pellexit imitationem. Ei enim pater (cuius memoriam opportunè hoc loco recordatione renouare operæ prætium est) fuit Constantius, inter imperatores nostri temporis facile illustrissimus.

De quo ea necesse habeo breuiter oratione percurrere, quæ filio non nihil ornamenti adferant ad commendationem.

De parte eius Constantio, qui non vt Diocletianus, Maximianus & Maxentius, Christianos persequutus est.

CAP. IX.

CVm quatuor in Romani imperii gubernandi societate iungebantur, solus hic fœdere amicitiae cum deo omnium gubernatore pacto, modum vitæ à ceterorum institutis alienum disparemque consecutatus est, Illi enim dei ecclesias obsidione vastare, euértere radicibus, solo æquare, ac templo concussis fundamentis disturbatisq; prorsus delere aggressi sunt. Hic autem à nefando & detestabili illorum scelere manus integras & inuiolatas continuit, neque vlla ex parte se similem eis præbuit. Illi intestina virorum simul ac mulierum pietatem maximè excolentium cæde, prouincias suæ ditioni subiectas, sceleratè contaminarūt, hic suam ipsius animā à sceleris labे vacuam assiduè conseruauit. Illi quo mala omnia in vnum coaceruarent, vocibus quibusdam execrabilib; quæ in simulachrorum cultu fundi solēt, pri-
mum seipso, deinde omnes, qui ipsorum obsequabantur imperio, nefariæ dæmonum venerationi deuouerunt: hic pacis tranquillissimæ illis, qui ab ipso regebantur, author factus, liberam eis veræ in deum religionis sine molestia excolendæ permisit potestatem. Quinetiam alii vitam omnium mortalium, haud vitalem illam quidem, imò vero morte ipsa longe acerbiorem, propterea effecerunt, quod tributa ab illis exigebant plane intolerabilia. Constantius solus & imperium placidū præstít ac tranquillum suis, & non aliter atque pater indulgens illis sedulō prospexit, atque adeò opitulatus est. Ceterum cum alia sunt eius virtutis ornamenti propè

in 6-

EVSEBII DE VITA

infinita, eaq; omnium ore ac sermone percelebrata, uno
& altero preclarè factò, quibus ea, quæ silentio prætere-
untur, melius certiusque intelligantur, oratione nostra
per cursus, ad institutam scriptionem sermonen deinceps
transferemus.

*Quomodo Constantius pater obiecta illi per probrum à Diocle-
tiano paupertate, postquam azarium compleuerant, pecu-
nias rursus iis qui attulerant, reddiderit.*

CAP. X.

Vbi multus & creber sermo de isto imperatore pas-
sim fama per uagatus est, quod māsuetus erat, quod
spectatus, quod ardenter vitæ sanctimoniam conse-
tabatur, quod propter incredibilem in eos, qui iphius
parebant imperio, clementiam & benignitatem, nullum
thesaurum sibi omnino reposuerat, imperator, qui id
temporis summum imperii gradum obtinuit, legatis ad
illum missis, dissolutam eius in Rep. administranda ne-
gligentia grauiter increpare cœpit: paupertatem, tanq;
probrum obiicere: hocque ad rei confirmationem ar-
gumenti loco usurpare, quod nihil prorsus pecunia ha-
beret in thesauris reconditum. Hic tum legatos, qui ab
imperatore venerant, aliquandiu morā facere precatus,
ex omnibus gentibus suæ ditioni subiectis, eos qui ma-
ximis diuitiarum copiis circumfluebant, in vnum con-
uocauit, pecunia dixit sibi opus esse, & illud tempus op-
portunè oblatum, quo quemque propensum studium &
benevolentiam erga dominum ac regem suum declarare
par esset. Quo auditio, hanc occasionem quæ diu ipsi in
optatis fuisset, benevolæ suæ in illum voluntatis perspi-
cuè significaudæ, statuentes, abiecta omni cunctatione
maturo auro argento, & aliis opum facultatumque ge-
neribus ætraria eius complere laborant, studio quodam
& ardore ipsos inter se, quò alius alium in largiendo
superaret, vehementer contendunt, hocq; præstiterūt
valdè læto & hilari vultu. Qua re confecta, Constan-
tius legatos ab imperatore summo missos, thesauri sui
spectatores fieri voluit. Quos testes fore iussit eorum,
quæ oculis vidissent, illisque retulit, quemadmodum
thesau-